

摘藻堂四庫全書薈要

集部

欽定四庫全書薈要卷一萬七千七百八十四

集部

御定全唐詩卷三百七十九

孟郊

感別送從叔校書簡再登科東歸

長安

一作去年

車馬道高槐

一作柳

結浮陰下有名利人一人

千萬心黃鵠多遠勢

一作黃鶴
共遠路

滄溟無近溥怡怡靜退

姿泠泠思歸吟菱唱忽生聽芸書迴望深清風散言笑
餘花綴衣襟獨恨魚鳥別一飛將一沈

送玄亮師

一作送道友

蘭泉滌我襟杉月棲

一作風淒

我心茗啜綠淨花經誦清柔

音何處

一作事

笑為別淡情

一作然

愁不侵

送李尊

一作宗

師玄

口誦碧簡文身是青霞君頭冠兩片月肩

一作身

披一條

雲松骨輕自飛鶴心高不群

同畫上人送郭

一作郭

秀才江南尋兄弟

地

一作池

上春色生眼前詩彩明手攜片寶月言是高僧

名溪轉萬曲心

一作石

水流千里聲飛鳴向誰去江鴻弟

與兄

春日同韋郎中使君送鄒儒立少府扶持赴雲

陽

離思著百草綿綿生無窮側聞畿甸秀三振詞策雄太
守不韻俗諸生皆變風郡齋敞西清楚瑟驚南鴻海畔

帝

一作高

城望雲陽天色中酒酣正芳景詩綴新碧叢服

綵老萊並侍車江革同過隋柳顛顛入落花蒙龍高步詎

留足前程在層空獨慙病鶴羽飛送力難崇

送從叔校書簡南歸

一作東游

長安別離道宛在東城隅寒草根未死愁人心已枯促
促水上景遙遙天際途生隨昏曉中皆被日月驅北騎
達一作驥遠山岳南帆指江湖高蹤一超越千里在須臾

送韓愈從軍

志士感恩起變衣非變性親賓改舊觀僮僕生新敬坐
作羣書吟行為孤劍詠始知出處心不失平生正淒淒

天地秋凜凜軍馬令驛塵時一飛物色極四靜王師既
不戰廟略一作畫在一作畫無競王粲有所依元瑜初應命
一章喻檄明百萬心氣定今朝旌鼓前笑別丈一作夫
盛

同茅一作第郎中使君送河南裴文學

河南有歸客江風繞行襟送君無塵聽舞鶴清瑟音菱
蔓綴楚棹日華正嵩岑如何謝文學還起會雲一作長吟

送李翺習之

習之勢翩翩東南去遥遥贈

一作寄

君雙履足一為上臯

橋臯橋路逶迤碧水清風飄
新秋折藕花應對吳語嬌
千巷分淥波四門生早潮
湖榜輕裊裊酒旗高寥寥
小時屐齒痕有處應未銷
舊憶如霧星恍見於夢消
言之燒人心事去不可招
獨孤宅前曲筇篻醉中謠
壯年俱悠悠逮茲各焦焦
執手復執手唯道無枯凋

送丹霞子阮芳顏上人歸山

松色不肯秋玉性不可柔
登山須正路飲水須直流
倩

鶴附書信索雲作衣裘仙村莫道遠枉

一作挂

策招交游

送從舅端適楚地

歸情似泛空飄蕩楚波中羽扇掃輕汗布帆篩細風江
花折菡萏岸影泊梧桐元舅唱離別賤生愁不窮

送盧汀侍御歸天德幕

仲宣領騎射結束皆少年匹馬黃河岸射鵬清霜天旌
旗防日北道路上雲巔古雪無銷鑠新冰有堆填清溪
徒聳誚白璧自招賢豈比重恩

一作思

者閉門方獨全

送草書獻上人歸廬山

狂僧不為酒狂筆自通天將書雲霞片直至清明巔手
中飛黑電象外瀉玄泉萬物隨指顧三光為迴旋聚一作
駮書雲灑霽洗硯山晴鮮忽怒畫虵虺噴然生風煙江
人願停筆驚浪恐傾船

和薛先輩送獨孤秀才上都赴嘉會得青字

秦雲攀窈窕楚桂搴芳馨五色宣徒爾萬枝皆有靈仙
謠天上貴林詠雪中青持此一為贈送君翔杳冥

送崔爽之湖南

江與湖相通二水洗高空定知一日帆使得一作竭千里

風雪唱與誰和俗情多不通何當逸翮一作鶴迹飛起泥

沙中

送超上人歸天台一作送天台道士

天台山最高動躡赤一作仙城霞何以靜雙目掃山除妄

花何以潔其性一作鑒形影瀘泉去泥沙靈境物皆直萬松

無一斜月中見心近一作迴雲外將俗一作世賒山獸護方

丈山猿捧袈裟

一本無此二句

遺身獨得身笑我牽名華

同李益崔放送王鍊師還樓觀兼為群公先營

山居

十一作千

年白雲士一卷紫芝書來結崆峒侶還期縹緲

居霞冠遺彩翠月

一作丹

帔上空虛寄謝泉根水清冷閒

有餘

張徐州席送岑秀才

振振芝

一作芳

蘭步升自君子堂泠泠松

一作楓

桂吟生自

楚

一作
羈

客腸羈鳥無定棲驚蓬在他鄉去茲門館閒即

彼道路長雨餘山川淨麥熟草木涼楚淚滴章句京

一作

荆

塵染

一作
滿

衣裳贈君無餘佗久要不可忘

送黃構擢第後歸江南

澹澹滄海氣結成黃香才幼齡思奮飛弱冠遊靈臺一

鷗顧喬木衆禽不敢猜一驥騁長衢衆獸不敢陪遂得

會風雨感通如雲雷至矣小宗伯確乎心不回能令幽

靜人聲實喧九垓却憶江南道祖筵花裏開春風不能

別別罷空徘徊

送道士

千年山上行山上無遺蹤
一日人間游六合人皆逢
自有意中侶白寒徒相從

送孟寂赴舉

盛士不憂身為君吟苦辛
男兒久失意寶劍亦生塵
浮俗官是貴君子道所珍
況當聖明主豈乏證王臣
濁水無白日清流鑒蒼旻
賢愚皎然別結交當有因

同溧陽宰送孫秀才

廢瑟難為弦南風難為歌幽幽拙疾中忽忽浮夢多清
韻始嘯侶雅言相與和訟閒每往招祖送奈若何牽苦
強為贈邦邑光峩峩

溧陽唐興寺觀薔薇花同諸公餞陳明府

忽驚紅琉璃千艷萬艷開佛火不燒物淨香空徘徊花
下印文字林間詠觴杯群官餞宰官此地車馬來

送柳淳

青山臨黃河下有長安道世上

一作
歲歲

名利人相逢不知

老

送殷秀才南遊

詩句臨

一作
滿

離袂酒花薰別顏水程千里外岸泊幾宵

間風葉亂辭木雪猿清叫山南中多古事詠遍始應還

送青陽上人遊越

秋風吹白髮微官自蕭索江僧何用歎溪縣饒寂寞楚
思物皆清越山勝非薄時看鏡中月獨向衣上落多謝

入冥鴻笑子在籠鶴

奉同朝賢送新羅使

淼淼望遠國一萍秋海中恩傳日月外夢在波濤東浪
興豁胸臆泛程舟虛空既茲吟仗信亦以難私躬實怪
賞不足異鮮悅多叢安危所繫重征役誰能窮彼俗媚
文史聖朝富才雄送行數百首各以鏗竒工冗隸竊抽
韻孤屬思將同

留弟郢不得送之江南

剛有下水船白日留不得老人獨自歸苦淚滿眼黑

送陸暢歸湖州因憑題

一作弔

故人皎然塔陸羽

墳

森森雪寺前白蘋多清風昔游詩會滿今游詩會空孤

吟玉淒惻遠思景蒙籠杼山塼塔禪竟陵廣

一作擴

宵翁

饒彼草木聲髣髴聞餘聰因君寄數句遍為書其藂追
吟當時說來者實不窮江調難再得京塵徒滿躬送君
溪駕鸞彩色雙飛東東多高靜鄉芳宅冬亦崇手自搨

甘旨供養歡沖融待我遂前心收拾使有終不然洛岸
亭歸死為大同

送淡公

燕本冰雪骨

一作
標

越淡蓮花風五言雙寶刀
聒響高飛

鴻翰苑錢舍人詩韻鏗雷公識本未識淡仰詠嗟無窮

清恨生物表朗玉傾夢中常於冷竹坐相

一作
寒

語道意

沖嵩洛興不薄稽江事難同明年若不來我作黃蒿翁
何以兀其心為君學虛空

坐愛青草上意含滄海濱
渺渺獨見水悠悠不問人鏡
浪洗手綠剡花入心春雖然防外觸無奈饒衣新行當
澤文字慰此吟殷勤

銅斗飲江酒手拍銅斗歌儂是拍浪兒飲則拜浪婆脚
踏小舡頭獨速舞短蓑笑伊漁陽操空恃文章多閒倚
青竹竿白日奈我何

短蓑不怕雨白鷺相爭飛短楫畫菰蒲闕作豪橫歸笑
伊水健兒浪戰求光輝不如竹枝弓射鴨無是非

射鴨復射鴨，鴨驚菰蒲頭。
鴛鴦亦零落，彩色難相求。
儂是清浪兒，每踏清浪游。
笑伊鄉貢郎，踏土稱風流。
如何卅角翁，至死不裹頭。

師得天文章，所以相知懷。
數年伊雒同，一旦江湖乖。
江湖有故莊，小女啼嗒嗒。
我憂未相識，乳養難和諧。
幸以片佛衣，誘之令看齋。
齋中百福言，催促西歸來。

伊洛氣味薄，江湖文章多。
坐緣江湖岸，意識一作織鮮明。

波銅斗短蓑，行新章其奈何。
茲焉激切句，非是等閒歌。

製

一作製

之附驛迴勿使餘風訛都城第一寺昭成屹嵯

峨為師書廣薛仰詠時經過徘徊相思心老淚雙滂沱

江南邑中寺

一作寺
邑古

平地生勝山開元吳語僧律韻高

且閒妙藥溪岸平桂榜往復還

一作復
往還

樹石相鬪生紅

綠各異顏風味我遙憶新奇師獨攀

報恩兼報德寺與山爭鮮橙橘金蓋檻竹蕉綠凝禪經

章音韻細風磬清冷翩離腸繞歸足舊憶隨路延不知

幾千尺至死方綿綿

鄉在越境中分明見歸心鏡芳步步綠鏡水日日深異
刹碧天上古香清桂岑朗約徒在昔章句忽盈今幸因
西飛葉書作東風吟落我病枕上慰此浮恨侵

牽師袈裟別師斷袈裟歸問師何苦去感吃言語稀意
恐被詩餓欲住將底依盧殷劉言史餓死君已噫不忍
見別君哭君他是非

詩人苦為詩不如脫空飛一生空鷲氣非諫復非譏脫
枯挂寒枝棄如一唾微一步一步乞半片半片衣倚詩

為活計從古多無肥詩饑老不怨勞師淚霏霏

送魏端公入朝

東洛尚淹翫西京足芳妍大賓

一作賢

威儀肅上客冠劍鮮

豈惟空戀闕亦以將朝天局促塵末吏幽老病中弦徒
懷青雲價忽至白髮年何當補風教為薦三百篇

送盧郎中汀

洛水春渡濶別離心悠悠一生空吟詩不覺成白頭向
事每計較與山實綢繆太華天上開其下車轍流縣街

無塵土過客多淹留坐飲孤驛酒行思獨山遊逸關嵐
氣明照渭空漪浮玉珂擺新歡聲與鸞鳳倚朝謁大家
事唯余去無由

送鄭僕射出節山南

一作酬鄭興
元僕射招

國老出為將紅旗入青山再招門下生結束餘病孱自

笑騎馬醜強從驅馳間顧顧

一作
傾傾

磨天路裊裊鏡下顏

文魄既飛越宦情唯等閒羨他白面少多是清朝班惜
命非所報慎行誠獨艱悠悠去住心兩說何能刪

別妻家

芙蓉濕曉露秋別南浦中鴛鴦卷

一作卷一作有

新贈遙戀東

牀空碧水不息浪清溪易生風參差坐

一作路

成阻飄飄

去

一作恨

無窮孤雲目雖斷明月心相通私情詎銷鑠積

芳在春漿

贈姚怱別

美人廢琴瑟不是無巧彈聞君郢中唱始覺知音難驚
蓬無還根馳水多分瀾倦客厭出門疲馬思解鞍何以

寫此心贈君握中丹

贈竟陵盧使君虔別

赤日千里火火中行子心孰不苦焦灼所行為貧侵山

木豈無涼猛獸蹲清陰歸人憶

一作懷

平坦別路多峘嶽

賴得竟陵守時聞建安吟贈別折楚芳楚芳

一作芳色

搖衣

襟

與韓愈李翱張籍話別

朱弦奏離別華燈少光輝物色

一作思

豈有一作知異人心

顧將違客程殊未已歲華忽然

一作已

微秋桐故葉下寒

露新雁飛遠遊起重恨送人念先歸夜集類飢

一作鳥

鳥

一作鳥晨光失相依馬跡繞川水雁書還

一作妻泣守

閨闈常

恐親朋阻獨行知慮非

監察十五叔東齋招李益端公會別

欲知惜別離瀉水還清池此地有君子芳蘭步葳蕤手

掇

一作綴

雜英

一作綠

珮意搖春夜

一作夢

思莫作遶山雲循

環無定期

汴州留別韓愈

一本無留字

不飲濁水瀾空滯此汴河坐見遶岸水

水一作

盡為還海

波四時不在家弊服斷線多遠客獨顛顛春英洛

一作各

婆娑汴水

荒一作

饒曲流野桑無直柯但為君子心歎息

一作飲之終靡他

贈別殷山人說易後歸幽墅

夫子說天地若與靈龜言幽幽人不知一一予所敦秋
月吐白夜涼風韻清源旁通忽已遠神感寂不喧一悟

祛萬結夕懷傾朝煩旅輶無停波別馬嘶去轅殷勤荒
草士會有知己論

壽安西渡奉別鄭相公

洛河向西道石波橫磷磷清風送君子車遠無還塵春
別亦蕭索況茲冰霜晨零落景易入鬱抑抱難申百宵
華燈宴一旦星散人歲去弦吐箭憂來蠶抽綸綿綿無
窮事各各馳遶身徘徊黃一作送縹緲倏忽春霜賓相為
物表物永謝區中姻日嗟來教士仰望無由親

東都清風減君子西歸朝獨抱歲晏恨泗吟不成謠貴
遊意多味賤別情易消迴鴈憶前叫浪息念後漂

一作飄

悠悠孤飛景聳聳銜霜條味趣多滯澀

一作趾

嬾朋寡新

僚病深理方悟悔至心自燒寂靜道何在憂勤學空饒
乃知減聞見始遂情逍遙文字徒營織聲華諒疑驕顧
慙耕稼士朴略氣韻調善士

一作才

有餘食佳畦冬生苗

養人在養身此旨清如韶願貢高古言敢望錫類招

御定全唐詩卷三百七十九

欽定四庫全書薈要卷一萬七千七百八十五

集部

御定全唐詩卷三百八十

孟郊

宇文秀才齋中海柳詠

玉纒青葢蕤結為芳樹
姿忽驚明月鈎鈎出珊瑚
枝灼灼不死花
蒙蒙長生絲
飲栢泛仙味
詠蘭擬古詞
霜風清颼颼
與君長相思

搖柳

一作採柳

弱弱本易驚看看勢難定因風似醉舞盡日不能正時
邀詠花女笑輟春妝鏡

曉鶴

曉鶴彈古舌婆羅門叫音應吹天上律不使塵中尋虛
空夢皆斷歎啼安能禁如開孤月口似說明星心既非
人間韻枉作人間禽不如相將去碧落窠窠深

和薔薇花歌

仙機札札

一作
軋軋

織鳳皇花開七十有二行天霞落地攢

紅光風枝嫋嫋時一颺飛散葩馥遶空王忽驚錦浪洗
新色又似宮娃逞妝飾終當一使移花一作根還比蒲
桃天上植

邀人賞薔薇

蜀色庶可比楚叢亦應無醉紅不自力狂艷如索扶麗
藥惜未埽宛枝長更紆何人是花侯詩老強相呼

和宣州錢判官使院廳前石楠樹

大朴既一剖衆材爭萬殊懿茲南海華來與北壤俱生

長如自惜雪霜無凋渝籠籠抱靈秀簇簇抽芳膚寒日

吐丹艷頰子流細珠鴛鴦花數重翡翠葉四鋪雨洗新

妝色一枝如一姝聳異敷庭際傾妍來坐隅散彩飾机

按餘輝盈盤盃高意

一作
立

因

一作
自

造化常情逐榮枯主

公方寸中陶植在須臾養此奉君子賞覲日為娛始覺

石楠詠價傾賦兩

一作
西

都棠頌庶可比桂詞難以踰因

謝丘墟木空采

一作
操

落泥塗時來開佳姿道去卧枯株

爭芳無由緣受氣如鬱紆抽肝在郢匠歎息何踟躕

酬鄭毗躑躅詠

不似人手致豈關地勢偏孤光裊餘翠獨影舞多妍迸
火燒閒地紅星墮青天忽驚物表物嘉客為留連

品松

追悲謝靈運不得殊常封縱然孔與顏亦莫及此松此
松天格高聳異千萬重爪拏巨靈手擘裂少室峰擘裂
風雨擰爪拏指爪脯同傭均也直也道入難抱心學生易墮蹤
時時數點仙嫋嫋一線龍霏微嵐浪際遊戲顥興濃品

松徒高高雌鳴

一作鴻
一作語

詎噫噫賞異尚可貴賞潛誰能

容名華非典實翦棄徒纖茸刻削大雅文所以不敢慵

答李員外小榼味

一拳芙蓉水傾玉何泠泠仙情夙

一作清風

已高詩味今更

馨試啜月入骨再銜愁盡醒荷君道古誠使我善飛

一作

振

翎

井上枸杞架

深鎖銀泉甃高葉架雲空不與凡木並自將仙蓋同影

疎千點月聲細萬條風送子鄰溝外飄香客位中花杯
承此飲椿歲小無窮

蜘蛛諷

一作詠

萬類皆有性各各稟天和蠶身與汝身汝身何太訛蠶
身不為己汝身一作心不為他蠶絲為衣裳汝身為網羅

濟物幾

一作既

無功害物日

一作自

已多百蟲雖切恨其將

奈爾何

蚊

五月中夜息飢蚊尚營營但將膏血求豈覺性命輕顧
已寧自愧飲人似偷生願為天下慚一使夜景清

燭蛾

燈前雙舞蛾厭生何太切想爾飛來心惡明不惡滅天
若百尺高應去掩明月

和錢侍郎甘露

玄天何以言瑞露青松繁忽見垂書跡還驚涌澧源春
枝晨嫋嫋香味曉翻翻子禮忽來獻臣心固易敷清風

惜不動薄霧肯蒙昏
嘉畫色更晶仁慈久
乃存一方難
獨占天下恐爭論
側聽飛中使重榮華
一作萃
德門從公
樂萬壽餘慶及兒孫

和令狐侍郎郭郎中題項羽廟

碧草凌古廟清塵鎖秋窗
當時獨宰割猛志誰能降
鼓氣雷作敵劍光電為雙
新悲徒自起舊恨一作懷舊
空浮江

讀張碧集

天寶太白歿六義已消歇
大哉國風本喪而王澤竭
先

生今復生斯文信難缺下筆證興亡陳詞備風骨高秋
數奏琴澄潭一輪月誰作采詩官忍一作教之不揮發

聽琴

颯颯微雨收翻翻橡

一作桐

葉鳴月沈亂峰西寥落三四

星前溪忽調琴隔林寒瑤瑤聞彈正弄聲不敢枕上聽

迴燭整頭簪漱泉立中庭定步履

一作履

齒深貌禪目冥

冥微風吹衣襟亦認宮徵聲學道三十年未免憂死生
聞彈一夜中會盡天地情

聞夜啼贈劉正元

寄泣須寄黃河泉此中怨聲

一作淚怨

淚徹

一作方到天

愁人獨

有夜燈見一紙鄉書淚滴穿

喜雨

朝見一片雲暮成千里雨淒清濕高枝散漫沾荒土

終南山下作

見此原野秀始知造化偏山村不假陰流水自

一作日

雨

田家家梯碧峰門門鎖青煙因思蛻骨人化作飛挂仙

觀種樹

種樹皆待春，春至難久留。君看朝夕花，誰免離別愁。心意已零落，種之仍未休。胡為好奇者，無事自買憂。

春雨後

昨夜一霎雨，天意蘓群物。何物最先知，虛庭草爭出。

答友人贈炭

青山白屋有仁人，贈炭價重雙烏銀。驅却坐上千重寒，燒出爐中一片春。吹霞弄日光不定，暖得曲身成直身。

爛柯石

仙界一日內人間千載窮雙碁未徧局萬物皆為空樵
客返歸路斧柯爛從風唯餘石橋在猶自凌丹虹

一作
猶有

靈丹

紅

尋言上人

萬里莓苔地不見驅馳蹤唯開文字窗時寫日月容竹
韻漫蕭屑草花徒蒙一作茸披霜入衆木獨自識青松

噴玉布

去塵咫尺步山笑康樂巖天開紫石屏泉縷一作鑿明月

簾仙凝刻削跡靈綻雲霞織悅聞若有待瞥見終無厭
俗玩詎能近道嬉方可淹踏著不死機欲歸多浮嫌古
醉今忽醒今求古仍潛古今相共失語默兩難恬贈君
噴玉布一濯高漸漸

姑蔑城

勁越既成土強吳亦為墟皇風一已被茲邑信平居撫
俗觀舊跡行春布新書興亡意何在綿歎空躊躕

崢嶸嶺

疏鑿順高下結構橫煙霞坐嘯郡齋肅玩竒石路斜古
樹浮綠氣高門結朱華始見崢嶸狀仰止逾可嘉

尋襄處士

涉水更登陸所向皆清真寒草不藏徑靈峰知有人悠
哉鍊金客獨與煙霞親曾是欲輕舉誰言空隱淪遠心
寄白月一作日華髮迴青春對此欽勝事胡為勞我身

子慶詩

王家事已奇孟氏慶無涯獻子還生子義之又有之鳳
兮且莫歎鯉也會聞詩小小豫章甲纖纖玉樹姿人來
唯仰乳母抱未知慈我欲揀其養放麝者是誰

憇淮上觀公法堂

動覺日月短靜知時歲長自悲道路人暫宿空閒堂孤
燭讓清晝紗中歛輝光高僧積素行事外無剛強我有
巖下桂願為爐中香不惜青翠姿為君一作揚芬芳淮
水色不汙汴流徒渾黃且將琉璃意淨綴芙蓉章明日

還獨行羈愁來舊腸

江邑春霖奉贈陳侍御

江上花木凍雨中零落春應由放忠直在此成漂淪嘉
艷皆損汙好音難殷勤天涯多遠恨雪涕盈芳辰坐哭
青草上臥吟幽水濱興言念風俗得意唯波鱗枕席病
流濕簷楹若飛津始知吳楚水不及京洛塵風浦蕩歸
棹泥陂陷征輪兩途日無遂相贈唯沾巾

溧陽秋霽

晚雨曉猶在蕭寥激前階
星星滿衰鬢耿耿入秋懷
舊識半零落前心驟相乖
飽泉亦恐醉惕宦肅如齋
上客處華池下寮宅枯崖
叩高占生物齟齬回難諧

列仙文

大霞霏晨暉元氣無常形
玄轡飛霄外八景乘高
清手把玉皇袂攜我晨
中生玄庭自嘉會金書
析華名賢女密所妍相
期洛水駢

右方諸青童君

歛駕空清虛徘徊西華館瓊輪暨晨抄虎騎逐煙散惠
風振丹旌明燭朗八煥解襟墉房內神鈴鳴璀璨棲景
若林柯九弦空中彈遺我積世憂釋此千載歎怡眄無
極已終夜復待旦

右清虛真人

駕我八景輿歛然入玉清龍羣拂霄上虎旗攝朱兵逍
遙三弦際萬流無暫停哀此去留會劫盡天地傾當尋
無中景不死亦不生體彼自然道寂觀合大冥南嶽挺

直幹玉英曜顏精有任靡期事無心自虛靈嘉會絳河
內相與樂未英

右金母飛空歌

丹霞煥上清八風鼓太和迴我神霄輦遂造嶺玉阿吐
嗟天地外九圍皆我家上采白日精下飲黃月華靈觀
空無中鵬路無間邪顧見魏賢安濁氣傷汝和勤研玄
中思道成更相過

右安度明

夏日謁智遠禪師

吾師當幾祖說法云無空禪心三界外宴坐天地中院
靜鬼神去身與草木同因知護王國滿鉢盛毒龍抖擻
塵埃衣謁師見真宗何必千萬劫瞬息去樊籠盛夏火
為日一堂十月風不得為弟子名姓挂儒宮

訪嵩陽道士不遇

先生五兵

一作岳

遊文焰藏金鼎日下鶴過

一作歸

時人間

空落影常言一粒藥不墮生死境何當列禦寇去問仙

人請

聽藍溪僧為元居士說維摩經

古樹少枝葉真僧亦相依
山木自由直道人無是非
手持維摩偈心向居士歸
空景忽開霽雪花猶在衣
洗然水溪晝寒物生光輝

借車

借車載家具家具少於車
借者莫彈指貧窮何足嗟
百年徒役走萬事盡隨花

喜符郎詩有天縱

念符不由級，屹得文章階。
白玉抽一毫，綠珉已難排。
偷筆作文章，乞墨潛磨揩。
海鯨始生尾，試擺蓬壺渦。
幸當禁止之，勿使恣狂懷。
自悲無子嗟，喜妬雙喈喈。

憑周況先輩於朝賢乞茶

道意勿乏味，心緒病無悰。
蒙茗玉花盡，越甌荷葉空。
錦水有鮮色，蜀山饒芳藜。
雲根纔翦綠，印縫已霏紅。
曾向貴人得，最將詩叟同。
幸為乞寄來，救此病窮。

一作窮

劣躬

上昭成閣不得於從姪僧悟空院歎嗟

欲上千級

一作尺

閣問天三四言未盡數十登心目風浪

翻手手把驚魄脚踏墜魂却流至舊手傍掣猶欲奔
老病但自悲古蠹木萬痕老力安可誇秋海萍一根孤
叟何所歸晝眼如黃昏常恐失好步入彼市井門結僧
為親情策竹為子孫此誠徒切切此意空存存一寸地
上語高天何由聞

魏博田興尚書聽嬭

一本有之字

命不立非夫人詩

君子耽古禮如饑魚吞鉤昨聞敬媿言掣心東北流魏
博田尚書與禮相綢繆善詞聞天下一日一再周

讀經

垂老抱佛脚教妻讀黃經經黃名小品一紙千明星曾
讀大般若細感肸鑿聽當時把齋中方寸抱萬靈忽復
入長安蹴踏日月寧老方却歸來收拾可丁丁拂拭塵
几案開函就孤亭儒書難借索僧籤饒芳馨驛驛不開
手鏗鏗聞異鈴得善如焚香去惡如脫腥安得顏子耳

曾未如此聽聽之何有言德教貴有形何言中國外有
國如海萍海萍國教異天聲各泠泠安排未定時心火
競熒熒將如庶幾者聲盡形元冥

謝李翰再到

等閒拜日晚夫妻猶相瘡況是賢人冤何必哭飛揚昨
夜夢得劍為君藏中腸會將當風烹血染布衣裳勞君
又叩門詞句失尋常我不忍出廳血字濕土墻血字耿
不滅我心懼惶惶會有鏗鏘夫見之目生光先生光非等

閒君其且安詳


忽不貧喜盧全書船歸洛

貧孟忽不貧請問孟何如盧全歸洛船崔嵬但載書江
潮清翻翻淮潮碧徐徐夜信為朝信朝信良卷舒江淮
君子水相送仁有餘我去官色衫肩經入君廬喃喃肩
經郎言語傾琪琚琪琚鏗好詞烏鵲躍庭除書船平安
歸喜報鄉里閭我願拾遺柴巢經於空虛下免塵土侵
上為一作與雲霞居日月更相鎖道義分明儲不願空宮

堯但願實工夫實空二理微分別相起予經書荒蕪多
為君勉勉鋤勉勉不敢專傳之方在諸



御定全唐詩卷三百八十



總校官庶吉士臣張能照

校對官檢討臣郭寅

謄錄監生臣藍嘉瑄

欽定四庫全書會要

集部

御定全唐詩卷三百八十三

一至三

詳校官候補通政司經歷臣郭祚織



欽定四庫全書蒼要卷一萬七千七百八十六

集部

御定全唐詩卷三百八十一

孟郊

弔國殤

人最靈白骨亂縱橫如何當春死不及羣草生堯

舜宰乾坤器農不器兵秦漢盜山岳鑄殺不鑄畊天地
莫生金生金人競爭

弔比干墓

殷辛帝天下厭為天下尊乾剛既一斷賢愚無二門佞
是福身本忠是喪已源餓虎不食子人無骨肉息日影
不入地下埋冤死魂有骨不為土應作直木根今來過
此鄉下馬弔此墳靜念君臣間有道誰敢論

弔元魯山

搏鷲有餘飽魯山長飢空豪人飫鮮肥魯山飯蒿蓬食
名皆霸官食力乃堯農君子恥新態魯山與古終天璞
本平一人巧生異同魯山不自剖全璞竟沒躬

一作窮

自剖多是非流濫將何歸奔競

一作捐軀

立詭節凌侮爭怪

輝五常坐銷鑠萬類隨哀微以茲見魯山道蹇無所依
君子不自蹇魯山蹇有因苟含天地秀皆是天地身天
地蹇既甚魯山道莫伸天地氣不足魯山食更貧始知
補元化竟須得賢人

賢人多自霾道理與俗乖細功不敢言遠韻方始諧萬
物飽為飽萬人懷為懷一聲苟失所衆憾來相排所以
元魯山飢哀難與偕

遠階無近級造次不可升賢人潔腸胃寒日空澄凝血
誓竟訛謬膏明易煎蒸以之驅魯山陳迹去莫乘

言從魯山宦盡化堯時心豺狼恥狂噬齒牙閉霜金一作

針一作競來闢田土相與畊欽岑當一作宵無關鎖竟歲饒

歌吟善教復一作天術美詞非俗歲精微自然事視聽

不可尋因書魯山績庶合蕭韶音

蕭韶太平樂魯山不虛作千古若有知百年幸如昨誰
能嗣教化以此洗浮薄君臣貴深遇天地有靈橐力運

既難難德符方合漢名位苟虛曠聲明自銷鑠禮法雖
相救貞濃易糟粕哀哀元魯山畢竟誰能度

當今富教化

一作聖主
禮嘉士

元后得賢相冰心鏡衰古霜議

清遐障幽埋盡洗

一作
光

洗滯旅免流浪唯餘魯山名未

獲旌廉讓二三貞苦士刷視聳危望髮秋青山夜目斷
丹闕亮誘類幸從茲嘉招固非妄小生奏狂狷感惕增
萬狀

黃犢不知孝魯山自駕車非賢不可妻魯山竟無家供

養恥侘力言詞豈纖瑕將謠魯山德蹟海一作海蹟誰能涯

遺嬰盡雛乳何況骨肉枝心腸結苦誠胸臆垂甘滋事

已出古表誰言獨今奇賢人母萬物豈弟流前詩

哭李觀

志士不得老多為直氣傷阮公終日哭壽命固難長顏

子既殂謝孔門無輝光文星落奇曜寶劍摧修鏗常作

金應石忽為宮一作參別商為爾弔琴瑟斷弦難再張偏

轂不可轉隻翼不可翔清塵無吹噓委地難飛揚此義

古所重此風今則亡自聞喪元賓一日八九狂沈痛此
丈夫驚呼彼穹蒼我有出俗韻勞君疾惡腸知音既已
矣微言一作善誰能彰旌葬無高墳栽松不成行哀歌動
寒日贈淚沾晨霜神理本窅窅一作冥冥今來更茫茫何以
蕩悲懷萬事付一觴

李少府廳弔李元賓遺字

自註元賓題少府廳
云宿從叔宅有感有

其義而
無其辭

零落三四字忽成

一作然

千萬年那知冥冥

一作寂

客不有

補亡篇斜月弔

吐一作

空壁旅人難獨眠一生能幾時百

慮來相煎戚戚故交淚幽幽長夜泉已矣難重言一言

一潜然

悼吳興湯

一作揚
一作張

衡評事

君生

一作
在

霽水清君歿霽水渾空令

一作
有

骨肉情

一作
親

哭得白日昏大夜不復曉古松長閉門琴弦綠水絕詩

句青山存昔為芳春顏今為荒草根獨問冥冥理先儒

未曾言

哀孟雲卿嵩陽荒居

戚戚抱幽獨，宴宴沈荒居。
不聞新歡笑，但覩舊詩書。
藝藥意彌苦，耕山食無餘。
定交昔何在，至戚今或疎。
薄俗易銷歇，淳風難久舒。
秋蕪上空堂，寒槿落枯渠。
薤草恐傷蕙，攝衣自理鋤。
殘芳亦可餌，遺秀誰忍除。
徘徊未能去，為爾涕漣如。

哭盧貞國

一別難與期，存亡易寒燠。
下馬入君門，聲悲不成哭。
自

能富才藝當冀深榮祿皇天負我賢遺恨至兩目平生

嘆無子家家

一作事

親相囑

傷舊遊

去春會處今春歸花數不減人數稀朝笑片時暮成泣

東風一向

一作見

還西輝

弔房十五次卿少府

日高方得起獨賞些些春可惜宛轉鶯好音與侘人昔
年此氣味還走曲江濱逢著韓退之結交方殷勤蜀客

骨目高聰辯劍戟新如何昨日歡今日見無因英竒一

謝世視聽一為塵誰言老淚短淚短沾衣

一作巾
足沾

逢江南故書上人會中鄭方回

自註上人往年
手札五十篇相

贈云以為
他日之念

相逢失意中萬感因語至追思東林日掩抑北邙淚筐

篋有遺丈江山舊清氣塵生逍遙注

一作
篇

墨故飛動字

荒毀碧澗居虛無清松位珠沈百泉暗月死羣象閑永

謝平生言知音豈容易

哭祕書包大監

哲人臥病日賤子泣玉年常恐寶鏡破明月難再圓
文家未改素聲容忽歸玄始知知音稀千載一絕弦
舊館有遺琴清風那復傳

悼幼子

一閉黃蒿門不聞白日事生氣散成風枯骸化為地
負我十年息欠爾千行淚灑之北原上不待秋風至

悼亡

山頭明月夜增輝，增輝不照重泉下。
泉下雙龍無再期，金蠶玉燕空銷化。
朝雲暮雨成古墟，蕭蕭野竹風吹亞。
弔李元賓墳

曉上荒涼原弔彼寂寥

一作冥冥

魂眼咽此時淚耳悽在日

言冥冥

一作寂寂

千萬言墳鎖孤松根

覽崔爽遺文因紆幽懷

自註崔君没于南方

墮淚數首文悲結，千里墳蒼旻。
且留我白日空遺君，仙鶴未巢月衰鳳。
先墜雲清風獨起，時舊語如再聞。
瑤草

罷歲蕤桂花休氛氲萬物與我心相感吳一作江濱

峽哀

昔多相與笑今誰相與哀峽哀哭幽魂一作噉噉風吹

來墮魄抱空月出沒難自裁齏粉一閃間春濤百丈一作

雷峽水聲不平碧沲牽清洄沙稜箭箭一作急波齒斷

斷開呀彼無底吮待此不測災谷號相噴激石怒爭旋

迴古醉一作有一作復鄉今縲多為能字孤徒髣髴銜

雪猶驚猜薄俗少直腸交結須橫財黃金買相弔幽泣

無餘灌我有古心意為君空摧頽

上天下天水出地入地舟石劍相劈斫石波怒蛟虬花
木疊宿春風颺凝古秋幽怪窟穴語飛聞盱蠻流沈哀
日已深銜訴將何求

三峽一線天三峽萬繩泉上仄碎日月下掣狂漪漣破
魂一兩點凝幽數百年峽暉不停午峽險多飢涎樹根
鎖枯棺孤骨裊裊懸樹枝哭霜棲哀韻杳杳鮮逐客零
落腸到此湯火煎性命如紡績道路隨索綠莫淚

一作
醉

弔波靈波靈將閃然

峽亂鳴清磬

一作峽虬
鳴清聲

產石為鮮鱗噴為腥雨涎吹作

黑井身怪光閃衆異餒劍唯待人老腸未曾飽古齒齧

崑噍嚼齒三峽泉三峽聲斷斷

峽螭

一作
蛟

老解語百丈潭底聞毒波為計枝飲血養子

孫既非臯陶吏空食沉獄

一作
玉

魂潛怪何幽幽魄說徒

云云峽聽哀哭泉峽弔鰥寡猿峽聲非人聲劔水相劈

翻斯誰士諸謝奏此沈苦言

讒人峽虬心渴罪呀然得所食無直腸所語饒臯音石
齒嚼百泉石風號干琴幽哀莫能遠分雪何由尋月魄
高卓卓峽窟一作窟清沈沈銜訴何時明抱痛已不禁犀
飛空波濤裂石千嶽岑

峽稜剗日月日月多摧輝物皆斜仄生鳥亦一作翼斜仄

飛潛石齒相鎖沈魂招莫歸恍惚清泉甲斑斕碧石衣
餓噉潺湲號涎似泓澹肥峽青一作春不可遊腥草生微

微

峽景滑易墮峽花怪非春紅光根潛涎碧雨飛沃津巴
谷蛟螭心巴鄉魍魎親噉生不問賢至死獨養身腥語
信者誰拗歌歡非真反田無異稼毒水多獐鱗異類不
可友峽哀哀難伸

峽水劍戟獐峽舟霹靂翔因依虺蜴手起坐風雨忙狹
旅多竄官峽氓多非良滑心不可求滑習積已長漠漠
涎霧起斷斷涎水光渴賢如之何忽在水一作此中央

泉鴟作人語蛟虬吸水波能于白日間諂欲晴風和駭

智蹶衆命蘊腥布深蘿齒泉無底貧鋸涎在處多反樹
鳥不巢蹕踏猿相過峽哀不可聽峽怨其奈何

杏殤

并序

杏殤花乳也霜翦而落因悲昔嬰故作是詩

凍手莫弄珠弄珠珠易飛驚霜莫翦春翦春無光輝零
落小花乳爛斑昔嬰衣拾之不盈把日暮空悲歸

地上空拾星枝上不見花哀哀孤老人戚戚無子家豈
若沒水鳧不如拾巢鴉浪殼破便飛風雛裊相誇芳嬰

不復生向物空悲嗟

應是一線淚入此春木心
枝枝不成花片片落翦金春
壽何可長霜哀亦已深
常時洗芳泉此日洗淚襟

兒生月不明兒死月不光
兒月兩相奪兒命果不長
如

何此英英亦為弔蒼蒼
甘為墮地塵不為末世

一作
世末芳

踏地恐土痛損彼芳樹根
此誠天不知翦棄我子孫
垂枝有干落芳命無一存
誰謂生人家春色不入門

冽冽霜殺春枝枝疑纖
刀木心既零落山竅空
呼號班

班落地英點點如明膏始知天地間萬物皆不牢

哭此不成春淚痕三四斑失芳蝶既狂失子老亦孱且

豈一作無生生力自一作有死死顏靈鳳不銜訴誰為扣

天關

此兒自見災花發多不諧窮老收碎心永夜抱破懷聲
死更何言意死不必啣病叟無子孫獨立猶束柴

霜似敗紅芳剪啄十數雙參差呻細風噉喁沸一作淺

江泣凝一作疑一作不可消一作誚一作恨壯難自降空遺舊日影怨

彼一作此小書窗

吊江南老家人春梅

念爾筋力盡違我衣食恩奈何粗獷兒生鞭見死痕舊使

常以禮新怨一作冤將誰吞胡為乎泥中一作上天消歇教義源

哭李丹員外并寄杜中丞

生死方知交態存忍將齮齮報幽魂十年同在平原客

更遣何人哭寢門

哭劉言史

詩人業孤峭餓死良已多相悲與相笑累累其奈何精
異劉言史詩腸傾珠河取次抱置之

一作為
拋擲

飛過東溟

波可惜大國謠飄為四夷歌常于衆中會顏色兩切嗟

今日果成死葬襄

一作
喪

之洛河洛岸遠相弔灑淚雙滂

沲

弔盧殷

詩人多清峭餓死抱空山白雲既無主飛出意等閒久
病牀席尸護喪童僕孱故書窮鼠嚙狼籍一空間君歸

新鬼鄉我面古玉

一作土

顏羞見入地時無人叫追攀百

泉空相弔日久

一作夕

哀潺潺

唧唧復唧唧千古一月色新新復新新千古一花春
邛風噫孟郊嵩秋墓盧殷北邙前後客相弔為埃塵北邙
棘針草淚根生苦辛煙火不自煖筋力早已貧幽薦一
盃泣瀉之清洛濱添為斷腸聲愁殺長別人

棘針風相號破碎諸苦哀苦哀不可聞掩耳亦入來哭
弦多煎聲恨涕有餘摧噫貧氣已焚噫死心更灰夢世

浮閃閃淚波深洄洄薤歌一以去蒿閉不復開

登封草木深登封道路微日月不與光莓苔空生衣可
憐無子翁蚍蜉緣病肌攣臥歲時長漣漣但幽噫幽噫
虎豹聞此外相訪稀至親唯有詩抱心死有歸河南韓
先生後君作因依磨一片嵌巖書千古光輝

賢人無計校生苦死徒誇佗名潤子孫君名潤泥沙可
惜千首文閃如一朝花零落難苦言

一作
久留

起坐空驚嗟

耳聞陋巷生眼見魯山君餓死始有名餓名高氣氤氳

叟老壯氣感之為憂雲所憂唯一泣古今相紛紛平生
與君說逮此俱云云

初識漆鬢髮爭為新文章夜踏明月橋店飲

一作虛飲

吾曹

床醉啜二盃釀名郁一縣香寺中摘梅花園裏翦浮芳

高嗜綠蔬

一作雲

羹意輕肥膩羊吟哦無滓韻言語多古

腸白首忽然至盛年如偷將清濁俱莫追何須罵滄浪
前賢多哭酒哭酒免哭心後賢試銜之哀至無不深少
年哭酒時白髮亦已侵老年哭酒時聲韻隨生沈寄言

哭酒賓勿作登封音登封徒放聲天地竟難尋

同人少相哭異類多相號始知禽獸癡却至天然高非
子病無淚非父念莫勞如何裁親疎用禮如用刀孤喪
鮮匍匐閉哀抱鬱陶煩他手中葬誠信焉能褒嗟嗟無
子翁死棄如脫毛

聖人哭賢人骨化氣為星文章飛上天列宿增晶熒前
古文可數今人文亦靈高名稱謫仙昇降曾莫停有文
死更香無文生亦腥為君鏗好辭永傳作謚寧

御定全唐詩卷三百八十一

欽定四庫全書蒼要卷一萬七千七百八十七

集部

御定全唐詩卷三百八十二

張籍

張籍字文昌蘇州吳人或曰和州烏江人貞元十五年
登進士第授太常寺太祝久之遷祕書郎韓愈薦為國
子博士歷水部員外郎主客郎中當時有名士皆與游
而愈賢重之籍為詩長于樂府多警句仕終國子司業
詩集七卷今編為五卷

寄遠曲

美人來去春江暖江頭無人湘水滿浣沙石上水禽栖
江南路長春日短蘭舟挂楫常渡江無因重寄雙瓊璫
行路難

湘東行人長歎息十年離家歸未得敝裘羸馬苦難行
僮僕饑寒一作盡饑少筋力君不見牀頭黃金盡壯士無顏

色龍蟠泥中未有雲不能生彼升天翼

征婦怨

九月匈奴殺遼將漢軍全沒遼水上萬里無人收白骨
家家城下招魂葬婦人依倚子與夫同居貧賤心亦舒
夫死戰場子在腹妾身雖存如畫燭

白紵一作苧歌

皎皎白紵一作苧白且鮮將作春衣稱少年裁縫長短不
能定自持刀尺向姑前復恐蘭膏汙纖指常遣傍人收

墮珥衣裳著時寒食下還把玉鞭鞭白馬

野老歌

一作山農詞

老農家貧在山住耕種山田三四畝苗疎稅多不得食
輸入官倉化為土歲暮鋤犁傍空室呼兒登山收橡實
西江賈客珠百斛船中養犬長食肉

寄衣曲

織素縫衣獨苦辛遠因回使寄征人官家亦自寄衣去
貴從妾手著君身高堂姑老無侍子不得自到邊城裏
殷勤為看初著時征夫身上宜不宜

送遠曲

戲馬臺南山簇簇山邊飲酒歌別曲行人醉後起登車
席上回尊勸僮僕青天漫漫覆長路遠遊無家安得住
願君到處自題名他日知君從此去

築城詞

一作曲

築城處

一作去

千人萬人齊把

一作抱

杵重重土堅試行

一作

用錐軍吏執鞭催作遲來時一年深磧裏盡著短衣渴

無水力盡不得拋

一作休

杵聲杵聲未盡

一作定

人皆死家

家養男當門戶今日作君城下

一作上

土

猛虎行

南山北山樹冥冥猛虎白日繞林

一作村

行向晚

一作曉

一

身當道食山

一作此

中麋鹿盡無聲年年養子在空

一作深

谷雌雄上山

一作下

不相逐谷中近窰有山村

一作林

長向

村家

一作林中

取黃犢五陵年少不敢射空來林下看行迹

別離曲

行人結束出門去幾時更踏門前路

一作時踏馬蹄幾

憶昔

君初納采時不言身屬遼陽戍早知今日當別離成君

家計良為誰男兒生身自有役那得誤我少年時不如
逐君征戰死誰能獨老空閨裏

牧童詞

遠牧牛遶村四面禾黍稠陂中饑鳥啄牛背令我不得
戲壠頭入陂草多牛散行白犢時向蘆中鳴隔堤吹葉
應同伴還鼓長鞭三四聲牛牛食草莫相觸官家截爾
頭上角

沙堤行呈裴相公

一作國一本無
呈裴相公四字

長安大道沙為堤早風無塵雨

一作晚
一作暖

無泥宮中玉漏

下三刻朱衣導騎丞相來路傍高樓息歌吹千車不行

行者避街官閭吏相傳呼當前十一

一作

里惟空衢白麻

詔下移相印新堤未成舊堤盡

求仙行

漢皇欲作飛仙子年年採藥東海裏蓬萊無路海無邊
方士舟中相枕死招搖在天迴白日甘泉玉樹無仙實
九皇真人終不下空向離宮祠太乙丹田有氣凝素華

君能保之昇絳霞

古

一作寶

釵歎

古釵墮

一作墜

井無顏色百尺泥中今復得鳳凰宛轉有

古儀欲為首飾不稱時女伴傳看不知主

一作玉窗下

羅袖

拂拭生光輝蘭膏已盡股半折雕文刻樣無年月雖離井底入匣中不用還與墜時同

各東西

一本此下有言字

遊人別一東復一西出門相背兩不返惟信車輪與馬

蹄道路悠悠不知處山高海闊誰辛苦遠遊不定難寄
書日月空尋別時語浮雲上天雨墮地暫時會合終離
異我今與子非一身安得死生不相棄

節婦吟寄東平李司空師道

君知妾有夫贈妾雙明珠感君纏綿意繫在紅羅襦妾
家高樓連苑起良人執戟明光裏知君用心如日月事
夫誓擬同生死還君明珠雙淚垂何不相逢未嫁時

讌客詞

上客不用顧金羈，主人有酒君莫違。請君看取園中花，

地上漸多枝上稀。山頭樹影不見石，溪水無風應

一作晚

更碧

一作暎天碧

人人齊醉起舞時，誰覺翻衣與倒幘。明朝

花盡人已去，此地獨來空繞樹。

永嘉行

黃頭鮮甲入洛陽，胡兒執戟升明堂。晉家天子作降虜，

公卿奔走如牛

一作驅

羊

一作盡去驅牛羊

紫陌旌幡暗相觸，家

家雞犬驚上屋，婦人出門隨亂兵。夫死眼前不敢哭，九

州諸侯自顧土無人領兵來護主北人避胡多在南
南人至今能晉語

採蓮曲

秋江岸邊蓮子多採蓮女兒凭

並一作

船歌青房圓實齊

戢戢爭前競折漾微波試牽綠莖下尋藕斷處絲多刺
傷手白練束腰袖半卷不插玉釵妝梳淺船中未滿度
前洲借問阿誰家住遠歸時共待暮潮上自弄芙蓉還
蕩槳

傷歌行

元和中揚憑
貶臨賀尉

昔門詔下促收捕京兆尹繫御史府出門無復部曲隨
親戚相逢不容語辭成謫尉南海州受命不得湏臾留
身著青衫騎惡馬中一作東門之外一作東無送者郵夫防
吏急誼驅往往驚墮馬蹄下長安里中荒大宅朱門已
除十二戟高堂舞榭鎖管絃美人遙望西南天

吳宮怨

吳宮四面秋江水江清露白芙蓉死吳王醉後欲更衣

座上美人嬌不起
宮中千門復萬戶
君恩反覆誰能數
君心與妾既不同
徒向君前作歌舞
茱萸滿宮紅實垂
秋風嫋嫋生絲枝
姑蘇臺上夕燕罷
佗人侍寢還獨歸
白日在天光在地
君今那得長相棄

北邙行

一作白邙山

洛陽北門北邙道
喪車麟麟入秋草
車前齊唱薤露歌
高墳新起白冢冢
朝朝暮暮人送葬
洛陽城中人更多
千金立碑高百尺
終作誰家柱下石
山一作壟頭松柏半

無主地下白骨多於土寒食家家送紙錢烏鳶作窠銜
上樹人居朝市未解愁請君暫向北邙遊

關山月

秋月朗

一作明

朗關山上山中行人馬蹄響關山秋來雨

雪多行人見月唱邊歌海邊茫茫天氣白胡兒夜度黃

龍磧軍中探騎暮出城伏兵暗處低旌戟溪水

一作沙磧連

天霜草平野駝尋水磧中鳴隴頭風急雁不下沙場苦

戰多流星可憐萬國

一作里

關山道年年戰骨多秋草

隴頭行

隴頭路

一作已

斷人不行胡騎夜

一作已

入涼州城漢兵處

處格鬪死一朝盡沒隴西地驅我邊人胡中去散

一作恣

放牛羊食禾黍去年中國養子孫今著氊裘學胡語誰

能更

一作還

使李輕車收

一作重

取涼州入

一作屬

漢家

楚妃歎

一作怨

湘雲初起江沉沉君王遙在雲夢林江南雨多旌旗

一作

戰暗臺下朝朝春水深章華殿前朝萬

一作下

國君心獨

自無終極楚兵滿地能

一作兼

逐禽誰用一身騁筋力西

江若翻雲夢中麋鹿死盡應還宮

春日行

春日融融池上暖竹牙出土蘭心短草堂晨起酒半醒

家僮報我

一本有後字

園花

一本有已字

滿頭上皮冠未曾整直

入花間不尋徑樹樹殷勤盡遶行攀枝未徧春日暝不用積金著青天不用服藥求神仙但願園裏花長好一生飲酒花前老

秋夜長

秋天如水夜未央
天漢東西月色光
愁人不寐畏枕席

暗蟲唧唧

一作噴噴

遶我傍荒城
為村無更聲
起看北斗天

未明白露滿田風
嫋嫋千聲萬聲
鷓鴣鳥鳴

白鼃鳴

天欲雨有東風
南谿白鼃鳴
窟中六月人家井無水
夜

聞鼃聲人盡起

洛陽行

洛陽宮闕當中州城上
我我十二樓翠華西去幾時返

梟一作鳴

巢乳鳥藏蟄鷺御門空鎖五十年
稅彼農夫修

玉殿六街朝暮鼓
鼙鼙禁兵持戟守空宮
百官月月拜
章表驛使相續長安道上陽宮樹黃復綠
野豸入苑食
麋鹿陌上老翁雙淚垂
共說武皇巡幸時

春江曲

春江無雲

一作冰

潮水平

一作平滿水

蒲心出水

一作心屈屈

鳧雛

鳴長干夫婿愛遠行
自染春衣縫已成
妾身生長金陵

側去年隨夫住江北春來未到父母家舟小風多渡不
得欲辭舅姑先問人私向江頭祭水神

送遠曲

吳門向西流水長水長柳暗煙茫茫行人送客各惆悵
話離叙別傾清觴吟絲竹鳴笙簧酒酣性逸歌猖狂行
人告我挂帆去此去何時返故鄉殷勤振衣兩相囑世
事近來還淺促願君看取吳門山帶雪經春依舊綠行
人行處求知親送君去去徒酸辛

塞下曲

邊州八月修城堡，候騎先燒磧。中草胡風吹，沙度隴飛。

隴頭林木無北枝，將軍閱兵青塞下。鳴鼓逢逢

一作
鏦鏦

促

獵圍天寒山路石，斷裂白日不銷帳。上雪烏孫國亂多，
降胡詔使名王持漢節。年年征戰不得閒，邊人殺盡唯
空山。

董逃行

洛陽城頭火曛曛，亂兵燒我天子宫。宮城南面有深山，

盡將老幼藏其間重巖為屋椽為食丁男夜行候消息
 聞道官軍猶掠人舊里如今歸未得董逃行漢家幾時
 重太平

少年行

少年從獵出一作出獵長楊禁中新拜羽林郎獨對輦前射

雙虎君王手賜黃金璫日一作白日鬪雞都市裏贏得寶

刀重刻字百里報仇夜出城平明還在娼樓醉遙聞虜

到平陵下不待詔一作勅書行上馬斬得名王獻桂宮封

侯起第一日中不為一作同六郡良家子百戰始取邊城

功

白頭吟

請君膝上琴彈我白頭吟憶昔君前嬌笑語兩情宛轉
如縈素宮中為我起高樓更開花池種芳樹春天百草
秋始衰棄我不待白頭時羅襦玉珥色未暗今朝已道
不相宜揚州青銅作明鏡暗中持照不見影人心回互
自無窮眼前好惡那能定君恩已去若再返菖蒲花開

一作青
一作生
月長滿

將軍行

彈箏峽東有胡塵天子擇日拜將軍蓬萊殿前賜六齋
還領禁兵為部曲當朝受詔不辭家夜向咸陽原上宿
戰車彭彭旌旗動三十六軍齊上隴隴頭戰勝夜亦行
分兵處處收舊城胡兒殺盡陰磧暮擾擾惟有牛羊聲
邊人親戚曾戰沒今逐官軍收舊骨磧西行見萬里空

幕

一作樂

府獨奏將軍功

賈客樂

金陵向西賈客多船中生長樂風波欲發移船近江口

船頭祭神各澆酒停杯共說遠行期入蜀經蠻誰

一作遠

別離金多衆中為上客夜夜算緡眠獨遲秋江初月猩

猩語孤帆夜發瀟湘渚水工持檝防暗灘直過山邊及

前侶年年逐利西復東姓名不在縣籍中農夫稅多長

辛苦棄業長

一作寧

為販寶翁

羈旅行

遠客出門行

一作世

路難停車斂策在門端荒城無人霜

一作雪

滿路野火燒

一作火燒野

橋不得度寒蟲

一作兔

入窟鳥

歸巢僮僕問我誰家去行尋田頭暝未息雙轂長轆礙
荆棘緣岡入澗投田家主人舂米為夜食晨雞喔喔茅

屋傍行人起掃車上霜舊山已別行已遠身計未成難

復返長安陌上相識稀遙望天山

一作門

白日晚誰能聽

我辛苦

一作苦辛

行為向君前歌一聲

車遥遥

征人遙遙出古城雙輪齊動馬鳴山川無處不一作無

歸路念君長作萬里行野田人稀秋草綠日暮放馬車

中宿驚麇游兔在我傍獨唱鄉歌對僮僕君家大宅鳳

城隅年年道上隨行車願為玉鑾繫華軾終日有聲在

君側門前舊轍一作路久已平一作拋無由復得君消息

妾薄命

薄命婦一作薄命嫁得良家子無事從軍去萬里漢家天子平

四夷護羌都尉裹尸歸念君此行為死別對君裁縫泉

下衣與君一日為夫婦千年萬歲亦相守君愛龍城征
戰功妾願青樓歌樂同人生各各有所欲詎得將心入
君腹

朱鷺

一本有
曲字

翩翩兮朱鷺來汎

一作
浴

春塘栖綠樹羽毛如翦色如染

遠飛欲下雙翅斂避人引子入深壑動處水紋開艷艷
誰知豪家網爾軀不如飲啄江海隅

遠別離

蓮葉團團杏花

一作
荇葉

拆長江鯉魚鬚鬣赤念君少年棄

親戚千里萬里獨為客誰言遠別心不易天星墜地能
為石幾時斷得城南陌勿使居人有行役

楚宮行

章華宮中九月時桂花半落紅橘垂江頭騎火照輦道
君王夜從雲夢歸霓旌鳳蓋到雙闕臺上重重歌吹發
千門萬戶開相當燭籠左右列成行下輦更衣入洞房
洞房侍女盡焚香玉階羅幕微一作似有霜齊言此夕樂

未央玉酒湛湛盈華觴
絲竹次第鳴中堂
巴姬起舞向君王
迴身垂手結明璫
願君千年萬年壽
朝出射麋夜飲酒

江南行

一作曲

江南人家多橘樹
吳姬舟上織白苧
土地卑濕饒蟲蛇
連木為牌入江住
江村亥日長為市
落帆度橋來浦裏
清莎覆城竹為屋
無井家家飲潮水
長干午日沽春酒
高高酒旗懸江口
娼樓兩岸臨水柵
夜唱竹枝留北客

江南風土歡樂多悠悠處處盡經過

烏夜啼引

秦烏啼啞啞夜啼長安吏人家吏人得罪囚在獄傾家
賣產將自贖少婦起聽夜啼烏知是官家有赦書下牀
心喜不重寐一作寢未明上堂賀舅姑少婦語啼烏汝啼

慎勿虛借汝庭樹作高巢年年不令傷爾一作汝雛

促促詞

促促復促促家貧夫婦歡不足今年為人送租船去年

捕魚在一作向江邊家中姑老子復小自執吳綃輸稅錢

家家桑麻滿地黑念君一身空努力願一作作教牛蹄團

團羊角直君身常一作長在應不得

宛轉行

華屋重翠幄綺席雕象牀遠漏微更踈薄衾中夜涼爐

氣一作氲暗裴徊寒燈背斜光妍姿結宵態寢臂一作壁幽

夢長宛轉復宛轉憶君一作憶更未央

短歌行

青天蕩蕩高且虛，上有白日無根株。
流光暫出還入地，

使我年少

一作少年

不須更與君相逢，勿寂寞衰老不復如。

今樂玉卮盛酒置君前，再拜願

一作勸

君千萬年。

山頭鹿

山頭鹿

一本有雙字

角芟芟尾促促，貧兒多租輸不足。夫死

未葬，兒在獄，早日熬熬蒸野岡，禾黍不收

一作熬

無獄糧。

縣家唯憂少軍食，誰能令爾無死傷。

湘江曲

湘水無潮秋水闊
湘中月落行人發
送人發送人歸白
蘋茫茫鷓鴣飛

楚妃怨

梧桐葉下黃金井
橫架輓轆牽素綆
美人初起天未明
手拂銀餅秋水冷

離宮怨

高堂別館連湘渚
長向春光

江一作

開萬戶
荆王去去不

復來宮中美人自歌舞

成都曲

錦江近西煙水綠
新雨山頭荔枝熟
萬里橋邊多酒家
遊人愛向誰家宿

寒塘曲

寒塘沉沉柳葉疎
水暗人語驚棲鳧
舟中少年醉不起
持燭照水射遊魚

春別曲

長江春水綠堪染
蓮葉出水大如錢
江頭橘樹君自種

那長繫木蘭船

春堤曲

野塘鷓鴣飛樹頭綠蒲紫菱蓋碧流狂客誰家

一作誰家狂客

愛雲水日日獨來城下遊

烏棲曲

西山作宮花滿池宮鳥曉鳴茱萸枝吳姬採蓮自唱曲

一作吳姬自唱採蓮曲

君王昨夜舟中宿

雀飛多

雀飛多觸網羅網羅高樹顛汝飛蓬蒿下勿復投身網
羅間粟積倉未和田巢之雛望其母來還

泗水行

泗水流急石纂纂鯉魚上下紅尾短春冰銷散日華滿
行舟往來浮橋斷城邊魚市人早行水煙漠漠多掉聲

廢居

一作行

胡馬崩騰滿阡陌都人避亂唯空宅宅邊青桑垂宛宛
野蠶食葉還成繭黃雀銜草入燕窠嘖嘖啾啾白日晚

去時禾黍埋地中
饑兵掘土翻重重
鳩巢養子庭樹上
曲牆空屋多旋風
亂定幾人還本土
唯有官家重作主

寄菖蒲

一本有吟字

石上生菖蒲
一寸十二節
仙人勸我食
令我頭青面如雪
逢人寄君一絳囊
書中不得傳此方
君能來作棲霞侶
與君同入丹玄鄉

江村行

南塘水深蘆筍齊
下田種稻不作畦
耕場磷磷在水底

短衣半染蘆中泥，田頭刈莎結為屋。歸來繫牛還獨宿，
水淹手足盡有一作瘡。山重遶身一作飛颺颺，一作撲撲桑
林。椹黑蠶再眠，婦姑採桑不向田。江南熱旱天氣毒，雨
中移秧顏色鮮。一年耕種長苦辛，田熟家家將賽神。

樵客吟

上山採樵選枯樹，深處樵多出辛苦。秋來野火燒櫟林，
枝柯已枯堪採取。斧聲坎坎在幽谷，採得齊梢青葛束。
日西待伴同下山，竹擔彎彎向身曲。共知路傍多虎窟，

穴一作未出深林不敢歇村西地暗狐兔行稚子叫時相

應聲採樵客莫採松與栢松栢生枝直且堅與君作屋
成家宅

湖南曲

瀟湘多別離風起芙蓉洲江上人已遠夕陽滿中流鴛
鴦東南飛飛上青山頭

春水曲

鴨鴨鶩鶩青蒲生春水狹蕩漾木蘭船中有雙少年

少年醉鴨不起

雲童行

雲童童白龍之尾垂江中今年天旱不作雨水足牆上
有禾黍

新桃行

桃生葉婆娑枝葉四向多高未出牆顛蒿覓相凌摩植
之三年餘今年初試花秋來已成實其陰良已嘉青蟬
不來鳴安得迅羽過常惡一作恐牽絲蟲蒙窳成網羅顧

託戲兒童勿折吾柔柯明年結其實磊磊充汝家

憶遠曲

水上山沉沉征途復繞

一作渡遠

林途荒人行少馬跡猶可

尋雪中獨立樹海口失侶禽離憂如長線千里縈我心

長塘湖

長塘湖一斛水中半斛魚大魚如柳葉小魚如針鋒水濁誰能辨真龍

廢瑟詞

古瑟在匣誰復識玉柱顛倒朱絲黑千年曲譜不分明
樂府無人傳正聲秋蟲暗穿塵作色腹中不辨工人名
幾時天下復古樂此瑟還奏雲門曲

御定全唐詩卷三百八十二

欽定四庫全書會要卷一萬七千七百八十八

集部

御定全唐詩卷三百八十三

張籍

野居

貧賤易為適荒郊亦安居
端坐無餘思彌樂古人書
秋田多良苗野水多遊魚
我無耒與網安得充廩廚
寒天白日短簷下煖我軀
四肢暫寬柔中腸鬱不舒
多病減志氣為客足憂虞
沉復苦時節

一作時節晚

覽景獨

一作物空 趾

蹶

西州

羌胡據西州近甸無邊城山東收稅租養我防塞

一作塞下

兵胡騎來無時居人常震驚嗟我五陵間農者罷耕耘

邊頭多殺傷

一作傷殺

士卒難全形郡縣發丁役丈夫各征

行生男不能養懼身有姓名良馬不念秣烈士不苟營
所願除國難再逢天下平

雜

一作離

怨

切切重切切秋風挂枝折人當少年嫁我當少年別念
君非征行年年長遠途妾身甘獨歿高堂有舅姑山川
豈遙遠行人自不返

惜花

春潭足芳樹水清不如素幽人愛華景一一空山暮月
出潭氣白游魚暗衝石夜深春思多酒醒山寂寂

三原李氏園宴集

暮春天早熱邑居苦囂煩言從君子樂樂彼李氏園園

中有草堂池引涇水泉開戶西北望遠見嵯峨山借問

主人翁北州佐戎軒僕夫守舊宅為客侍華

一作施榻

筵高

懷

一作膏壤

有餘興

一作滋

竹樹芳且鮮傾我所持觴盡日共

留連疎拙不偶俗常喜形體閒況來幽棲地能不重歎

一作言
笑

沈千運舊

一作故居

汝北君子宅我來見頽墉亂離子孫盡地屬鄰里翁土

木被丘墟谿路不連

一作相

通舊井蔓草合牛羊墜其中

君辭天子書，放意任體躬。一生不自力，家與逆旅同。高
議切星辰，餘聲激瘖聾。方將旌舊閭，百世可封崇。嗟其
未積年，已為荒林叢。時豈無知音，一作者不一作莫能崇。一作
敦此風浩蕩，竟無覩我將安所從。

贈別孟郊

一本無別字

歷歷天上星，沉沉水中萍。幸當清秋夜，流影及微形。君

生衰俗間，立身如禮經。純誠

一作淳意發新一作高

文獨有金

石聲才名振京國，歸省東南行。停車楚城下，顧我不念

程寶鏡曾墜水不磨豈

一作難

自明苦節居貧賤所知賴

友生歡會方別離戚戚憂慮并安得在一方終老無送

迎

卧疾

身病多思慮亦讀神農經空堂留燈燭

一作空房
夜留燈

四壁

青熒熒羈旅隨

一作逐

人歡貧賤還自輕今來問良醫乃

知病所生僮僕各憂愁

一作相憂

杵臼無停聲見我形顛顛

勸藥語丁寧春雨枕席冷窗前新禽鳴開門起無力遙

愛雞犬行服藥察耳目漸如醉者一作覺醒顧非達性

命

一作方悟
養生者

猶

一作
不

為憂患生

一作
并

別段生

與子骨肉親願言

一作
其

長相隨況離父母傍從我學書

詩同在道路間講論亦未虧為文於我前日夕生光儀

行役多疾疢

一作
疹

賴此相扶持貧賤事難拘

一作
俱難

今日

有別離我去秦城中子留汴水湄離情兩飄斷不

一作
豈

異風中絲幼年獨為客舉動難得

一作
為

宜努力自修勵

常如見我時送我登山岡再拜

一作揖

問還期還期在新

年勿怨歡會遲

哭

一作傷

于鵠

青

一作西

山無逸人忽覺大國貧良玉沈幽泉名為天下

珍野性疎時俗再拜乃從軍氣高終不合去如鏡上塵

我初有章句相合者唯君今來弔嗣子對隴燒新

一作斯

文耕者廢其耜農者絕其薪苟無新衣裳曷用光我身

奠酒

一作回

徒拜手

一作再拜

哀懷

一作昔意

安能陳徒保金石韻

千載人所聞

南歸

促促念道路四支不常寧
行車未及家天外非盡程
骨肉待我歡鄉里望我榮
豈知東與西顛顛竟無成人言
苦夜長窮者不念明懼離
其寢寐百憂傷性靈世道多
險薄相勸畢中誠遠遊無知音
不如商賈行達人有常志
愚夫勞所一作營舊山行去遠一作幸言歸樂此生

惜花

濛濛庭樹花墜地無顏色日暮東風起飄揚玉階側殘
藥在猶稀青條聳復直為君結芳實令君勿歎息

奉和舍人叔直省時思琴

藹藹紫薇直秋意深無窮滴瀝仙閣漏肅穆禁池風竹
月泛涼影萱露澹幽叢地清物態勝宵間琴思通時屬
雅音際迥凝虛抱中達人掌樞近常與隱默同

離婦

十載來夫家閨門無瑕疵薄命不生子古制有分離託

身言同穴今日事乖違念君終棄捐誰能強在茲堂上
謝姑嫜長跪請離辭姑嫜見我往將決復沉疑與我古
時釧留我嫁時衣高堂拊我身哭我於路陞昔日初為
婦當君貧賤時晝夜常紡績不得事蛾眉辛勤積黃金
濟君寒與饑洛陽買大宅邯鄲買侍兒夫壻乘龍馬出
入有光儀將為富家婦永為子孫資誰謂出君門一身
上車歸有子未必榮無子坐生悲為人莫作女作女實
難為

懷別

僕人驅行軒低昂出我門離堂無留客席上唯琴搏古
道隨水曲悠悠繞荒村遠程未奄息別念在朝昏端居
愁歲永獨此留清景豈無經過人尋歎門巷靜君如天
上雨我如屋下井無因同波流願作形與影

學仙

樓觀開朱門樹木連房廊中有學仙人少年休穀糧高
冠如芙蓉霞月披衣裳六時朝上清佩玉紛鏘鏘自言

天老書祕覆雲錦囊百年度一人妄泄有災殃每占有
仙相然後傳此方先生坐中堂弟子跪四廂金刀截身
髮結誓焚靈香弟子得其訣清齋入空房守神保元氣
動息隨天罡爐燒丹砂盡晝夜候火光藥成既服食計
日乘鸞鳳虛空無靈應終歲安所望勤勞不能成疑慮
積心腸虛羸生疾疹壽命多天傷身歿懼人見夜埋山
谷傍求道慕靈異不如守尋常先王知其非戒之在國
章

夜懷

窮居積遠念轉轉迷所歸幽蕙零落色暗螢參差飛病
生秋風簾淚墮月明衣無愁坐寂寞重使奏清徽

城南

漾漾南澗水來作曲池流言尋參差島曉榜輕盈舟萬
繞不再止千尋盡孤幽藻澀訝人重萍分指魚游繁苗
毯下垂密箭翻迴輶曝鼈亂自墜陰藤斜相鉤卧蔕黑
米吐翻芰紫角稠橋低競俯樓亭近閒夷猶目為逐勝

朗手因掇芳柔漸喜游來極忽疑歸無由氣狀雖可覽
纖微諒難搜未聽主人賞徒愛清華秋

懷友

人生有行役誰能如草木別離感中懷乃為我桎梏百
年受命短光景良不足念我別離者願懷日月促平地
施道路車馬往不復空知為良田秋望禾黍熟端居無
儔侶日夜禱耳目立身難自覺常恐一作懼憂與辱窮賤
無閒暇疾痛多嗜欲我思攜手人逍遙任心腹

寄別者

寒天正飛雪行人心切切同為萬里客中路忽離別別
君汾水東望君汾水西積雪無平岡空山無人蹊羸馬
時倚轅行行未遑食下車勸僮僕相顧莫歎息詎知佳
期隔離念終無極

獻從兄

悠悠旱天雲不遠如飛塵賢達失其所沉飄同衆人擢
秀登王畿出為良使賓名高滿朝野幼賤誰不聞一朝

遇讒邪流竄八九春
詔書近遷移組綬未及身
冬井無寒冰玉潤難為焚
虛懷日迢遙榮辱常保純
我念出游時勿吟康樂文
願言靈溪期聊欲相依因

寄韓愈

野館非我室新居未能安
讀書避塵雜方覺此地間
過郭多園墟桑果相接連
獨游竟寂寞如寄空雲山
夏景常晝毒密林無鳴蟬
臨溪一盥濯清去肢體煩
出林望曾城君子在其間
戎府草章記阻我此遊盤
憶昔西潭

時並持釣魚竿共忻得魴鯉烹鱠于我前幾朝還復來
歎息時獨言

贈姚怱

漏天日無光澤土松不長君今職下位志氣安得揚
白髮文思壯才為國賢良無人識高韻薦于天子傍
況我愚朴姿強趨利名場遠同干貴人身舉固難彰
昔逢汴水濱今會習池陽豈無再來期顧恐非此方
願為石中泉不為瓦上霜離別勿復道所貴不相忘

病中寄白學士拾遺

秋亭病客眠庭樹滿枝蟬涼風繞砌起斜影入牀前梨
晚漸紅墜菊寒無黃鮮倦遊寂寞日感歎蹉跎年塵歡
久消委華念獨迎延自寓城闕下識君弟事焉君為天
子識我方沉病纏無因會同語悄悄中懷煎

雨中寄元宗簡

秋堂羸病起盥漱風雨朝竹影冷疎澀榆葉暗飄蕭街
徑多墜果牆隅有蛻蛭延瞻游步阻獨坐閒思饒君居

應如此恨言相去遙

野寺後池寄友

佛寺連野水池幽夏景清繁木蔭芙蓉時有水禽鳴通
溪岸蹇斷分渚流復縈伴僧鐘磬罷月來池上明友人
竟不至東北見高城獨遊自寂寞況此恨盈盈

董公詩

誰主東諸侯元臣隴西公旌節居汴水四方皆承風在
朝四十年天下誦其功相我明天子政成如太宗東方

有艱難公乃出臨戎單車入危城慈惠安羣兇公謂其
黨言汝材甚驍雄為我帳下士出入衛我躬汝息為我
子汝親我為翁衆皆相顧泣無不和且恭其父教子義
其妻勉夫忠不自以為資奉上但顛顛公衣無文采公
食少肥濃所憂在萬人人實我寧空輕刑寬其政薄賦
弛租庸四郡三十城不知歲饑凶天子臨朝喜元老留
在東今聞揚盛德就安我大邦百辟賀明主皇風恩賜
重朝廷有大事就決其所從海內既無虞君臣方肅雍

端居任僚屬宴語常從容翩翩者蒼烏來巢於林叢甘
瓜生場圃一蒂實連中田有嘉穀隴異畝穗亦同賢人
佐聖人德與神明通感應我淳化生瑞我地中昔者此
州人但矜馬與弓今公施德禮自然威武崇公其共百
年受祿將無窮

祭退之

嗚呼吏部公其道誠巍昂生為大賢姿天使光我唐德
義動鬼神鑒用不可詳獨得雄直氣發為古文章學無

不該貫吏治得其方三次論諍退其志亦剛強再使平

山東不言所謀臧薦待皆寒羸但取其才良親朋有孤
稚婚姻有辦營如彼天有斗人可為信常如彼歲有春
物宜得華昌哀哉未申施中年遽殂喪朝野良共哀矧
於知舊腸籍在江湖間獨以道自將學詩為衆體久乃
溢笈囊略無相知人黯如霧中行北遊偶逢公盛語相
稱明名因天下聞傳者入歌聲公領試士司首薦到上
京一來遂登科不見苦貢場觀我性朴直乃言及平生

由茲類朋黨骨肉無以當坐令其子拜常呼幼時名追

招不隔日繼踐公之堂出則連轡馳寢則對榻牀搜窮

古今書事事相酌

一作斟

量有花必同尋有月必同望為

文先見草釀熟偕共觴新果及異鮭無不相待嘗到今

三十年曾不少異更公文為時師我亦有微聲而後之

學者或號為韓張我官麟臺中公為大司成念此委末

秩不能力自揚特狀為博士始獲升朝行未幾享其資

遂忝南宮郎是事賴拯扶如屋有棟梁去夏公請告養

疾城南莊籍時官休罷兩月同游翔黃子陂岸曲地曠
氣色清新池四平漲中有蒲荇香北臺臨稻疇茂柳多
陰涼板亭坐垂釣煩苦稍已平共愛池上佳聯句舒遐
情偶有賈秀才來茲亦同并移船入南溪東西縱篙撐
劃波激船舷前後飛鷗鷺回入潭瀨下網截鯉與魴踏
沙掇水蔬樹下烝新秔日來相與嬉不知暑日長柴翁
攜童兒聚觀於岸傍月中登高灘星漢交垂芒釣車擲
長綫有獲齊歡驚夜闌乘馬歸衣上草露光公為遊谿


詩唱咏多慨慷自期此可老結社於其鄉籍受新官詔
拜恩當入城公因同歸還居處隔一坊中秋十六夜魄
圓天差晴公既相邀留坐語於堦楹乃出二侍女合彈
琵琶箏臨風聽繁絲忽遽聞再更顧我數來過是夜涼
難忘公疾浸日加孺人視藥湯來候不得宿出門每迴
遑自是將重危車馬候縱橫門僕皆逆遣獨我到寢房
公有曠達識生死為一網及當臨終晨意色亦不荒贈
我珍重言傲然委衾裳公比欲為書遺約有修章令我

署其末以為後事程家人號於前其書不果成子符奉
其言甚於親使令魯論未訖注手跡今微茫新亭成未
登閉在莊西廂書札與詩文重疊我筭盈頃息萬事盡
腸情多摧傷舊塋盟津北野窆動鼓鉦柳車一出門終
天無迴箱籍負無贈貨曷用申哀誠衣器陳下帳醪餌
奠堂皇明靈庶鑒知髣髴斯來饗

御定全唐詩卷三百八十三

謹案卷三百八十二第十八頁前八行長江春水
綠堪染據原集水作波

第十八頁後六行西山作宮花滿池刊本花訛潮
據原集改



總校官庶吉士 臣 張能照

校對官檢討 臣 郭 寅

謄錄監生 臣 藍嘉瑄